

Sloboda nije uspjela: Odbojkaši Bosne u Mejdanu slavili u tri seta (Foto)



U prvoj utakmici polufinala play-offa za prvaka odbojkaške Superlige Federacije BiH, u Tuzli je večeras domaća Sloboda poražena u susretu sa sarajevskom Bosnom rezultatom 0:3 (21:25, 20:25, 18:25).







Predvođeni Sanjinom Bezdrobom, gosti su opravdali ulogu favorita, prikazavši bolju igru u sva tri seta.

Domaći sastav bio je dobar suparnik u prvom setu, u kojem su se ekipe smjenjivale u vodstvu, da bi „studenti“ kod rezultata 18:18 prešli u vodstvo, a s dva sjajna servisa Bezdrob je svojoj ekipi donio pobjedu.

I u preostala dva bilo je uzbuđenja, ali su ih iskusniji i kvalitetniji gosti riješili u svoju korist za pobjedu kojom su stekli ogromnu prednost za plasman u finale, gdje će se najvjerojatnije sastati s ekipom Gradina Herceg koja je u drugom polufinalu pobijedila u gostima ekipu Ilijaša sa 3:0.

Uzvratni susreti igraju se u Sarajevu, odnosno, u Srebreniku za sedam dana. (tl – Foto: Miro Petrović)

Date: 24-03-2019